

xij

(...)

Requi(siti)on et protestation de m(aîtr)e jehan de guille(m)  
chanoine de mo(n)tauban

Ex. / pat.

**L an mil cinq cens soixante deux et le der(nier) jour**  
du mois d'**aoust** au lieu de tauriac etc regnant  
charles etc pardevant moy notaire et p(rese)ntz les tesmoings  
soubz escriptz et nommes a este present en sa [per]sonne m(onsieu)r  
m(aîtr)e **jehan guillem chanoine en l( )egli(s)e cathedralle de**  
**mo(n)tauban** lequel [com]me ayant charge et estant [pro]cu(reur)  
des m(essieu)rs de( )lad(ite) egli(s)e dressant ses paroles a **jehan**  
**ginesti et guille(m) laroche [con]sulz** po(ur) la present  
annee dud(it) lieu de tauriac leur a remonstre que aud(it)  
nom de mess(ieu)rs dud(it) chapp(it)re il auroict baille  
en arre(n)tement c( )este annee a m(aîtr)e pierre milhet  
p(rest)bre de( )la colombe et jammes milhet merchant de  
rabastenx **le revenu fructz et proffictz decimaux**  
**que led(it) chapp(it)re a en l egli(s)e dud(it) lieu de tauriac**  
po(ur) le pris et somme et en la forme et maniere  
[con]tenuz en l( )instrume(nt) dud(it) arre(n)tement / lesquelz  
rentiers despous la culhete des grains se seroie(nt)  
dresses aud(it) guille(m) et a icelluy remonstre que

.....

lesd(its) [con]sulz leur auroint prins et saisis tous les grains  
dud(it) arrentem(en)t provenus les requerant les f(air)e jouyr d( )icell(uy)  
et en deffault de ce proteste a( )l( )encont(re) de luy aud(it) nom  
par ainsi a sommes et requis lesd(its) ginesti et( )laroche  
[con]sulz de rendre et restituer ausd(its) arre(n)tiers lesd(its)  
grains [par] eulx prins et [pour] eux afin qu( )ilz puissent  
jouyr du [con]tenu en leurd(it) instrument d arrenteme(nt)  
ou en deffault de ce a( )proteste et [pro]teste de  
tous despens domaiges et( )in(tere)stz que s( )en pourroi(en)t  
ensuyvre lesd(its) ginesti et( )laroche [con]sulz ont  
respondu que vray est que la present annee  
ilz auroient prins ou faitz saisir les grains demandes  
[par]( )iceulx retires et en telle quantite qu( )est  
porte [par]( )les tailhes qui en feurent faictes mais  
ce ne feust a au(tr)e fin synon causant  
l( )esterilite des fructz a( )ce qu( )il eussent moyen  
recouvrir de grains *avec ques* le(ur) argent aud(it) lieu  
de tauriac en cas de necessite touteffoys  
offrent de rendre lesd(its) grains detraict ce

que faut a( ) detraire pour la norriture des pouvres  
qu( ) est la sixiesme [par]tie suyvant l( ) arrest  
donne [par]( ) la souveraine court de [par]lem(en)t de  
th(ou)l(ous)e / led(it) de guille(m) accepte lad(ite) offre et [con]sent  
que lad(ite) sixiesme [par]tie desd(its) grains soict  
reserve et retenu po(ur) l( ) entretenem(en)t desd(its) pouvres  
defalquee au prealable la decime deue au roy  
n(ot)re sire ensuyva(n)t led(it) arrest de( ) la co(ur) qu( ) il a  
illec exhibe du dernier jour de juillet an p(rese)nt

.....

xiii

protestant en deny et ce comme dessus et requerant  
a( ) moy not(air)e luy en retenir acte ce que ay faict  
ez presences de gerauld laroche de( ) la [par]oisse  
de gresac blaise ramondou de( ) la [par]oisse de garridech  
guill(aum)e riviere de beauvais et moy.

J. De Pinu